

Laûrs emportanc pla cortina vedla

Stimada Comunité, desche trec ará belo motü averda, é nosta cortina vedla val-gamia en malester, danter fosses olache terac á dé dô, cadrí (cubetti) rünês y dandadöt ince le mür vedl, co é stort y manacia cinamai da tomé ete. Por cöstes rajuns á la Ploania d'Al Plan tut la dezijiun da fá eniann de maius laûrs. Gran pert dal mür co ciara cuntra strada gnará trat jö y fat sö danö, l'ater toch dal mür gnará restauré. Lapró él preodü da avalié fora le terac te döta la cortina vedla, fá plü vërt y mëter jö danö le tru con i cadrí encër dljia ia. Döt cösc se damanará sambën en pü' de pazionza y colaboraziun da pert dles families dai defunc.

Le pröm laûr sará chël da fá danö le mür. Damperfora oress la Ploania assügheré che al ne gnará nia ciaé te tera y che al ne gnará porchël nia aziché scrins o defunc sopolis. Le mür nõ gnará renforzé tal terac con micro-coni. Endere messarál gní tut demez les fosses co é dlungia mür jö: cösc ô dí les crusc, i ornamonc y ince les peres encëria. La proposta é che les families enstësses tigni sö a ciasa les crusc y i ornamonc, deperpo che les peres dles fosses gnará denant numerades y spo motüdes jö t'en logher, por les mëter endô a so post canche i laûrs pal mür sará slüc jö. I pici ciüc co é sön mür de cortina vedla gnará tuc demez, restaurês y endô motüs sö dô i laûrs. Les toflies da mort co é mürades ete gnará ince tutes demez, y spo endô motüdes te so post, mo nia plü ete tal mür.

T'en secundo momont gnará fat i laûrs pal rest dla cortina vedla. Ince atló jarál debojügn da tó demez les fosses sora tera ia, por les mëter spo endô zoruch olache ares ea. La Ploania tin da alzé fora che düc i laûrs gnará fac tal contat stront con i familiars. **Por ci co reverda les fosses dlungia mür jö, sarál belo defata na encuntada d'enformaziun por che düc sais spo ci che al sozed. Le terminn gnará publiché sön plata de Ploania y i familiars é belo sën enviês da tó pert.**

Desco dit, él preodü che i laûrs mëti man defata dô Pasca y sidi slüc jö daldöt al plü tert por Gnissant. La Ploania capësc che al é en intervont co pó atoché val' sensibilité, dal ater vers él gran debojügn da fá i laûrs, por porté endô plü ordino te cortina, mo ince plü sügherté. Iolan a düc dla comprenjiun.

Enformaziuns y Comunicaziuns

Le Saltá: Pla proscima ediziun dal „Saltá“ gnará ince publiché les fotos dai viadus nasciüs tal 2021. I geniturs co é a öna da lascé publiché la fotografia, é periês da la mené adalerch te na bona cualité ala mail palfrader@rolmail.net anter i 25 de forá. I lenn metun lapró ince ennoms y cognoms dai geniturs. Sce i sëis a öna, sëise periês da i mëter pla mail y enjunté cösta rissa: „I sun a öna da lascé publiché la foto de (Ennom möt/a) y ince che al vëgni scrit lapró ennom y cognom dai geniturs.“

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vigile

Ploian: Signor Klaus Sottsas
E-Mail: klsottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann C

13.02.2022 - Sesta domëgna ia por l'ann

nr. 12

Ci co cunta veramonter

Dal Vagnele dô San Luca 6, 17.20-26

²⁰Gejú á ôt sù edli sön sù discepui y á dit: Beâc, os püri, deache ost é le règn de Dio. ²¹Beâc, os ch'i èis sën fan, deach'i gnarëis pasciontës. Beâc, os ch'i bradlëis sën, deach'i riarëis. ²²Beâc, sce la jont s'á le sënn y se slüj fora de söa comunité, sce ara se baia da orëi creo y se descreditëia, por gauja dal Fi dal Om. ²³Ralegrësse y cighede en chël dé; osc paiamont tal cí sará gran.

Deache avisa ensciö él sté sù peri co á fat con i profec. ²⁴Mo guai a os, ch'i sëis ric; deach'i n'èis plü degüna consolaziun da s'aspeté. ²⁵Guai a os, ch'i sëis pasciüs; deach'i arëis fan. Guai a os, ch'i riëis sën, deach'i baodiarëis y bradlarëis. ²⁶Guai a os, sce döta la jont se lalda; deache avisa ensciö él sté sù peri co á fat con i profec falc.

Parora dal Signur. - Lalt a te, Gejú Crist!



I meditun le Vagnele

- Al é tres endô val' de straordinar da odëi la manira che Gejú á da odëi les cosses: ci co vën desprijé söle monn aprijëiel, y enzoscü. Zonzater en messaje co vá en cuntratendëza.

- Le discepul de Gejú ciafa söa dërta ligrëza y realisaziun - söa beatitü - tal stil de vita co vën pité dal Vagnele. Al stá a nos da creïe y le mëter en pratica.

Proposta: I ô concretamonter chirí fora val' olache i pó renunzié (p. ej. quant cer) y m'acontenté con val' plü de sciompl.

I periun ensciö

Tal cör á en gran dejidêr: ester encontont, podëi ti dé a mia vita en valur co dëri por dagnora. Al é en gröm de propostas co tira mia atenziun y co mo empormët ligrëza y contentëza, suzes y belëza. Mo tö, Signur, mo dijes da mëter averda: „guai“ sce i chiri y ti vá dô mâ a ci co pó saorí y snel, ci co stá danciará da töa proposta de vita. Encö, Signur, mo ensëgneste le tru dla felicité y dla dërta ligrëza: ester püre, dejidré les cosses co á davëi valüta, la desponibilité da mëter la vita a to sorvisc, chirin entrës la orenté de Dio Pere y nia le consëns dla jont.

Al é la strada dles beatitus: damo na sbürta por che i vái cösta strada con coraje, damo sostën y arvënemo, por che i ti vái dô a cösta strada con fedelté. **Da: Walter Cazzaniga, „Parola Amica“**

Edema liturgica dai 13.02. ai 20.02.2022		
DOM 13.	6. domëgna ia por l'ann	<i>Adolf, Gisela</i>
08:30	<i>s.m. a La Pli</i>	
9:30	corona	
10:00	gran mëssa por dōta la ploania <i>oferta por la ploania</i> LAD	
	dal ann por +nta Klara Beikircher Hochwieser dal ann por +nta Loise Maneschg da Cianei +nt Rindler Tone de Pal - +nc' fredesc Frenademez +nta Emma Frenner Mutschlechner de rengr. por familia Palfrader Angelo	
Lön 14.	18:00	DEU
	fešta dai Sanc Ziril y Metode (<i>patrons d'Europa</i>), <i>Valentin</i> s.m. dal ann por +nta Mima Ties, Râs +nc' Maria Ties Tamers y Carlo Tamers +nc' Clara y Isidor Oberbacher	
Ded 15.	19:30	
	<i>Siegfried, Faustin</i> corona	
Dem 16.	<i>Iuliana, Filipa</i> Vijita personala te dljia y cortina	
Jöb 17.	<i>I set sanc fondadús dal ordinn dai Servic, Marzel</i> Vijita personala te dljia y cortina	
Ven 18.	07:30	LAD
	<i>Sciomun, Constanzia</i> s.m. por i scolari vîs y +nc' dla familia da Sarjei Sacro Cör de Gejú	
	15:00	
	corona	
Sab 19.	17:30	
	<i>Sabeda de Santa Maria I Irmgard, Bonifazio</i> corona	
	18:00	ITA
	s.m. prefestia por +nt Obojes Paul +nta Konrater Anna Palfrader - +nta Monica Erlacher +nt Franz Kanetscheider – vîs y +nc' dla familia da Tornarecia	
DOM 20.	7. domëgna ia por l'ann	<i>Amata, Iordan</i>
	domëgna de Andreas Hofer	
08:30	<i>s.m. a La Pli</i>	
9:30	corona	
10:00	gran mëssa por dōta la ploania <i>oferta por la ploania</i> LAD	
	vijita al monumont ai Tomës adöm con i scizeri +nt Hubert Tamers - +nta Laura Clara Kanetscheider +nc' Bruno y Celeste Della Gaspera	

Impuls por les Letöres da encö

1. Letöra (Ger 17, 5-8): A che ti dá pa la porsona sōa crëta y con ci consequënzes pa? De cōsta domanda nen vára tla letöra. **2. Letöra (1 Cor 15, 12.16-20):** Con la fede tla ressozeziun stá y toma l'ester cristian. **Vagnele:** Sōn ci fondamontes mëti pa mia vita? Ci é pa le plü emportant? Mia ciasa, mio laûr... o empó ciamó Chël Bel Dio? Ara stá ala fin a nos, sce i s'accontentun mâ con i avëis y reconescionza: mo chi ne pasciontëia nia la dërta fan de nosta anima. (*Tut da: Sonntagsblatt/Diozeja*)

Ponsier dla Domëgna

An n'é nia bogn da capí na porsona, ma sce an ti damana da olache ara vëgn. An la capësc empormó, sce an damana ince olache ara é bona da jí.
(*Papa Benedët XVI*)

Les operes de misericordia

Gejú nes presentëia les operes de misericordia, che i podunse capí sc'i viun desco sù discepui o no.

1) Dé da mangé a chi co á fan. Dé da mangé aldedaincö pó orëi dí: - partí con i atri les ressorses ch'i án - nia spreché ci che i án (ince le patüc da mangé) - fá na riflësciun sōn nosc stil de vita - mëter averda a ci che an cumpra.

2) Dé da bëre a chi co á sëi. Aldedaincö ó cōsc dí: - respeté l'ambiont - adoré l'ega te na manira coscionta - chirí deboriada les cosses co é veramonter essenzielles tla vita.

3) Tó sō porsones forestes. Cōsc pó significhé encö: - reconesce tal ater, te sōa cultura, te sōa religiun na richëza, na scincunda y nia en pëis o en problem - se odëi enstësc tal drama de trec fredesc co vëgn da nos da dalunc - dé en contribut concret por l'acoliënza dai profugs.

4) Dé da iestí a chi co n'á nia. Iestí chi co é bludri pó orëi dí aldedaincö: - daurí i edli ales povertés invisibles - tí jí pormez ales porsones plü sensibles y nia bones da se paré, da se defëne - ti dé quant a chi co n'á debojügn.

5) Assistí i püri. Al podess significhé: - acompagné chi co se stá mal, partí de nosc tomp con ëi - nes dé da fá che vignönn pois ciafé les cures nezesciaries - ciaré de se enstësc y dai atri.

6) Jí a ciafé chi co é te porjun. Ci ól pa dí? - ti sté dlungia ales families y sostegni chi co á albü da sconté na pëna - ti jí adencuntra a chël co é prijonier de se enstës o de valch forma de dipendënza (sostanzes, jüch d'azard ...)

7) Sopelí i morc. Cōsc pó ince orëi dí: - se fá domandes sōn morts assurdes - acompagné y se lascé daidé tla plōra y te nüsc vedli dis.



Andrasz Simon

Warnung als Frohbotschaft

Viermal sagt Jesus „Weh euch“. Nur Lukas überliefert diese vierfache Warnung parallel zu den vier Seligpreisungen – gerade Lukas, der von Beruf Arzt war und so viele Heilungsgeschichten erzählt! Doch das ist kein Widerspruch. Der Arzt warnt uns – zu unserem Glück, zu unserem Heil. Die „Wehe“-Rufe des Lukas sind keine Verdammung, sondern Rettungsversuch. Sage niemand, er sei nicht gewarnt gewesen, gewarnt – zu seinem Glück und zu seinem Heil!

Sorvisc dai Ministronc

Lönesc 14/02 (18:00h), Vëndres 18/02 (07:30h): Pire Maneschg, Silvia Obojes;

Sabeda 19/02 (18:00h): Marco Alberti, Lea y Oliver Bonato, Luca Clara, Giovanni Gnesotto, Jonas Rindler, Angela Trebo;

Domëgna 20/02 (10:00h): Lisa Alberti, Diana, Madalena y Matthias Deval, Anna Promberger

